



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Haymo-//nis Episcopi Hal-//berstattensis De
Chri//stianarum rerum memoria li-//bri decem**

Haimo <Halberstadensis>

Coloniae, 1531

VD16 H 224

De Iustino doctore & martyre. Cap. XXI.

urn:nbn:de:hbz:466:1-29805

HAYMO DE CHRISTIA.

foditur, oblatum est deo, tam victima, quam holocaustum in odorem suauitatis.

DE IUSTINO doctore &
martyre.

Caput XXI.

Per idem tempus supradictus philosophus Christi Iustinus secundum iam librum, pro nostrae religionis defensione conscriptum, offert iudicibus, remunerationem linguae fidelis & erudite, martyrii recepit munus, accusante eum quodam philosopho, Crescente nomine, doloso proditore, & tendente ei insidias, pro eo maxime, quod saepe eum praefatus Iustinus suis disputationibus publice confudisset. Hic antequam proprium funderet agonem, etiam eorum qui ante eum martyres extiterant, certamina describit. Extant & alia eius opuscula praecleara, & magnae eruditionis indicia, quae enumerare longum est.

ANICETVS Papa Romanus,
sedit annis undecim.

Caput XXII.

Interea Aniceto obeuntri, Sother succedit, & Celsidion Alexandrino. Agrippinus tunc episcopus supra commemoratus, & Dionysius, Corinthiorum episcopus, & Irenaeus insignes habentur. Hi scribunt libros & epistolas, erudiunt ecclesiam, & confirmant. Quorum ingenij extant adhuc monumenta. Extat huius praefati Dionysij epistola ad Athenienses per lucida, inuitans ad martyrium, prolapsos arguens, in qua & illud designat, quomodo Dionysius Areopagites a Paulo instructus, primus Athenis episcopus fuerit